

دائرة مخصوصه

در سعادتده باب عالی جوار ارنده

محل اداره :

مشرط القیم

اخطار :

مسلكمزه موافق آثار جدیدیه مع المنوئیه
قبول او انور

درج ایندین آثار اعاده اولناز

دیر، فلسفه، علوم، حقوق، ادبیات و سیاسیات و باطالع کرم سیاسی و کرم اجتماعی و مدنی احوال و مشهوره اسلامیه و بحث ایدر و هفته ده بر نشر از انور.

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

ممالک عثمانیه ایچون	۸۰	۴۰	غروش
روسیه	۶۵۰	۳۵۰	روبله
سائر ممالک اجنبیه	۱۷	۹	فرانق

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیرسه سنوی
۲۰ غروش فضله آلنیر

عدد : ۶۸

۱۰ ذی الحجه ۳۲۷ پنجه ۱۰ کانون اول ۳۲۵

اوجنچی جلد

اجتهاده دائر

مابعد

دور تابینه امتهاد :

اهل کوفه ایچون عبدالله بن مسعود واصحابنک مذهبی دهاموافق کلیوردی. ذاتابو، اک زیاده ممارسه ایتدکاری، اک زیاده طاییدقلمری بر مذهب ایدی. انسان بیلدیکی، طاییدینی شیئی دائماً ای کورر، سور.

واقعا کوفه ایلر شو حاللارنده حقلی ایدی. زیرا عبدالله بن مسعود رضی الله عنه علم فقهده ید طولاً صاحبی ایدی. شو علمده اولان رسوخندن طولاییدرکه حضرت عمر کنیدیسی معلم صفتیه کوفهیه ارسال بیورمشلردی. محفوظاتی پک چوق ایدی. باب اجتهدده بیوک بر ملکهسی اولوب علم قرآند، اولان مهارتی ده پک یوکسک بر مرتبهده ایدی.

مؤخرأ حضرت علی دخی کوفهیه کلش، خلافتی اناسنده پک چوق قضایاده بولمش؛ بر چوق کیمسهر علمندن، اجتهدندن استفاده ایلشیدی.

حضرت شریح دخی پک اوزون بر زمانلردن بری کوفهده افتا وقضا ایله اشتغال ایلردی.

اشته مشارالیهم حضرتنک روایاتی، قضیهسی، مفتاواسی کوفه اهالیسی آراسنده شو صورتله یرلشدی، شو صورتله رسوخ پیدا ایتدی. علقمة بن قیس النخعی ورفقاسی بتون بوقتای و مجتهداتی، روایاتی، قضایایی ضبط ایلشیر ایدی. باب فقهده صاحب ملکه اولدقندن صکره بر طرفدن کنیدیلی شو مضبوطه باقهرق استدلالنده بولنیور، دیگر طرفدن بولنری اخلافه نقل ایدیورلردی.

ابراهیم النخعی ورفقاسی مشایخندن نقل وروایت ایتدکاری آثار و سنن وفتاوی واقضیهی ترتیب و تصنیف ایدرک صوک طبقهیه ایصال ایلر؛ کنیدیلی دخی استادلردن کوردکاری اصول ایله اجتهد ایدرک علم فقهی توسیع ایدیورلردی.

بوطبقهده علم فقه و اجتهد پک زیاده توسع ایدرک، تدوین و تصنیفی خلی ایله رهلمش بعض اصول و قوانین دخی وضع اولمشیدی.

اشته امام ابوحنیفه حضرتلری علم فقهی شو دوره ترقیده بولدی. بودورهیه کلنجهیه دکن علم فقه یوزلرجه مجتهدک حاده تدقیقندن کچیرلش، پک چوق مسائل متفرقه میدان کتورلمشیدی. شو مسائل، یا روایت متسلسله طریقیله عراق مکتب فقهیسنک مؤسسلری اولان اصحاب کرام وطلبه لرینک روایات، مجتهدات، فتاواسندن برینه صریحاً ویا ضمهناً انتها ایدر؛ یا خود بالذات ابراهیم النخعی ورفقاسنک مجتهداتندن اولیورلدی.

عراق مکتب فقهیسنک تشکلی شو وجهله مطالعه، اکثریت نظر اعتباره النهرق اجرا ایدلشدر. یوقسه بعض مسائل متفرقه نک

بی طرف اولانلره، حجاز مکتب فقهیسی مؤسسلرینه، حتی اعضالردن بضرینه اسناد اولندیغی ده یوق دکادر.

امام محمدک «آثار» نام تألیفده ابوحنیفه رضی الله عنهک خارجه بن عبدالله واسطه سیله سعید بن المسیب دن، عبدالله بن عمرو دن، سالم بن عبدالله بن عمرو دن، ابن عباس دن، ام المؤمنین حضرت عائشه دن روایت ایندیگی ده کوریلیر.

مشارالیهم حضرتندن ورفقاسندن روایتک اقلیتده قالوب، ابن مسعود، حضرت علی... دن روایتک ده اکثریت اوزره وقوعه کلشی بعض فرقه لرده مشهور اولدینی کی بر اثر طعن دکلدی. بلکه اهالی عراقیه نک اخذعلم اتمه لری کنیدی مملکتلرنده اولان اصحاب کرامندن وقوعه کلش اولوب حجازیلر وسائر اصحاب کرام ایله اختلاطلری آز اولمقندن ایلر وکلشیدی.

ذاتاً علم فقهک تابمین کرامه انتقالی متعاقب توسیع وتدویننه چالیشلیدی زمانلر سیاسی اختلافلردن طولانی سیر وسیاحت ایدرک حقیقه تبعات علمیهده بولنق پک مشکل ایدی. عراق، حجاز هرایکیسی ده دارالاماره نک اک سومدیکی قطملردن ایدی. بولنرک اهالیسی هپی بردن متهم طوتیلور، هر بر حرکتلری نظر تفتیشده بولندی ریلوردی. اشته شو سببلردن طولانی عراقیون اکثریت اوزره کنیدی سرمایه لری داخلنده توسیع علمه چالشیور، اجتهد پک چوق دفعه لر مراجعت ایتک مجبوریتنده بولنیورلردی. بوندن طولانی طریق اجتهدده نقطه منتهای اعتلایه واصل اولمشلردر.

اشته بوصورتله علم فقه تماماً تشکلی ایدرک تصنیف وتدوین اولندی. جزئیاتدن کلیاته ارتقا طریقیله اصول وقواعد وضع ایدیلدی. بومکتب فقهی تمام تأسس ایدرک امام ابوحنیفه رضی الله عنه ریاسته کچدی. آراتق مسائل، اصول وقواعد اوزمانلر ایچون غیر قابل تبدیل برحاله تقرر ایدرک بدستور شرعی حالی آلدی. حتی صوکره لری توارد ایدن، ایشیدیلن آثار دخی شو دستورلره باقیله رق یا قبول، یا ناویل، یاردایدیلر اولدی. اجتهدده شو حدود داخلنده جریان ایدردی.

عراقده وقتیه اصحابدن آنحق اوج درت فقیه موجود ایکن صوکره لری بولنرک طلبه سی اولق اوزره عددلری یوزلره بالغ اولدی. شو دورده برقاچ طبقهیه منسوب اولق اوزره تابعیندن پک چوق فقیه مجتهد یتشدی. بولردن هر برینک ترجمه حالری پک زیاده مطمئن، پک زیاده مزیندر. براققلری آثار نظر امامانه مطالعه وتفتیش ایدیورلرسه عمرلردن هیچ بر ساعت، هیچ بر دقیقه بی ضایع ایتماش اولدقلری میدانه حیقار. اشتغالات علمیه، اجتهد بولنر ایچون اک سومی بر کلنجه کی تلقی اولنور، متادیا زمانلری مساعی ایله کچردی.

ایشته بوضورتله عراق قطعه سی تنورایتدکجه ایتدی، کوفه، بصره بلده لری بوقطعه نک ایکی مرکز علمیه سی، ایکی دارالفنونی متابه سنده ایدی.

فی الحقیقه بویکی مرکز علمینک مؤسسلری باشقه باشقه ذوات،

همه علمای، اجتهاد لری ده باشقه طریقلردن اخذ واقتباس اولمش ایدی. حتی ابتدائی بویکی مرکز آراسنده آز چوق اختلافلرده یوق دکلدی. فقط بو اختلاف اساس اعتباریله اولموب، اصول اجتهاد جه بینلرنده بر اختلاف تام موجود ایدی، حتی کیت کیده شو اختلافات جزئی: دنده اثر قلمادی.

بصریلر ایله کوفیلر یک دیگرلریله یک زیاده اختلاط ایدرلردی. بوضورتله بینلرنده اولان سوء تفاهم زائل اولدی. بوندن باشقه عراقک آب وهواسی ایله او محیطک تربیه سی تحت تربیه سنده یتشمش بولندقلردن استعداد فطریلری دخی آنلری هپ بر نقطه اوزرینه سوق ایدر، یواش یواش یک دیگرلرینه یاقلاشیورلردی.

ابوحنیفه لردن صوکره بویکی مرکز علمی، آراق بر مکتب صنفک ایکی شعبه سی حاله کلشیدی.

شو اتحاد، تعبیر دیگرله بر طرفک غلبه سته اوته کنک مغلوبیتنه دهها باشقه بر سببک تأثیری ده یوق دکلدی: کوفیلر، فقه اسلام ایله افراد، بناء علیه اجتهادده اولان ملکه لری اونسبده کسب تقویت ایدیوردی. فقط بصره فقهاسنک سائر علوم ایله اشتغال ایلدکلری ده بولنوردی. بولدهده علم کلام، فلسفه مودا اولمشیدی. طبعی درکه بر قوت متوع طرفله تقسیم اولنورسه تأثیری آزالور. بوندن طولاییدرکه بصره اهالیسنک علم فقهده اولان ممارسه لری، ملکه لری کوفیلردن ضعیف قالمشیدی. بومجادله ده، بر اختلاف ائسانسده ضعیف لک حالی معلوم: مغلوبیت.. اشته بصره لیلرده مغلوب اولمش؛ آراق کوفه مکتب فقهینسک تأسیس ایتدیکی اصول اجتهاد، اساس اتحاد اولمشیدی. اشته بوضورتله عراقک شو ایکی مرکز علمیسی نتیجه اعتباریله اتحاد ایتمش اولدیغندن بتون عراق، بر مکتب فقهی صورتنده ارائه ایدیلر. آرالرنده اولان اختلاف، عین فکرک سوبقه تشکل ایدن جمعیتلرده وقوعه کلن اختلافه تشبیه اولنه بیلر..

کوفه ده ابن مسعود وع ابن ابی طالب رضی الله عنهما نك اصحابین اولوق اوزره:

علقمة بن قیس بن عبد الله النخعی، مسروق بن الاجدغ بن مالك الهمدانی، الاسود بن زید النخعی، شریح بن الحارث، سويد بن غفله، عبیدة السلمانی، سیمان بن ربیعۃ الباهلی، حارث بن قیس الجعفی، عبدالله بن عتبة بن مسعود، شریک بن حنبل، عمرو بن میمون الاودی... صوکره ابن مسعودک اوغللری ابو عبیده و عبدالرحمن... دهها صوکره ابراهیم بن یزید بن الاسود النخعی، عامر بن شراحیل الشعبي، ورفقاسی، حماد بن مسلم، ابن ابی لیلی، قاضی شریک... عراق مکتب فقهینسکک ایلر و کلن مسلم و مجتهدلردن در. حسن البصری، محمد بن سیرین و ابو قلابه، ابو العالیه، ابو یزید بن ابی سوسی، ایوب السختمانی، ایاس بن معاویه... حضراتی فقهایی بصره نك ایلر و کلنلریدر:

فقهایی کوفه نك سلسله روایتلری اکثریت اوزره ابن مسعود، امام علی، صوکره عمر، زید بن ثابت، ابی بن کعب، ابن عباس حضراتنه منتهی اولور.

بصره فقهاسنک اخذ واقتباسلری اکثریت اوزره اصحابین ابو موسی الاشعری، صوکره قاضی اعظم، عائشه، انس بن مالک، زید بن ثابت، عمران بن حصین، ابو هریره حضراتنه رجوع ایدر. عراقده یتیشن فقهایی تابعینک بعض مسائلده اختلاف ایتدکلری، بعض مذاهب خصوصیه لری بولندیغی حالد علی اکثر اصولجه متفق ایدیلر.

ابن ابی لیلی نك مذهبنده عادتاً بر استقلال حس اولنیور؛ بعض اصوللرده مذهب مخصوص تعقیب ایدیوردی. سفیان ثوری حضرتلری هر نه قدر فقهایی عراقیون ایچنده یتشمش ايسده، مذهبنده بو خصوصیت محسوس اولیوردی. اصولجه عراقیون دن زیاده حجازیونه یاقین ایدی.

[صوکی وار] قرانی حلیم ثابت

مناقب سنیته

— مابعد —

وتدلت زهر النجوم الیه

فأضاءت بضوئها الارضاء

اول کونده نجوم زاهره او مولود محترمه [تعظیم و تکریم ایچون نظیری کورلماش بر صورتده] تقرب ایتدی و بو تقریدن ناشی او نجوم زاهره نك ضیاسیله اطراف و جوانب ضیالاندی، تولد ایله یکی خانه سعادتک اطراف و جوانبی ویا اطراف سما و یا خود بالجه اقطار وجود پر نور ضیا اولدی.

امام بیهقی نك روایتی اوزرینه فاطمه الثقفه رضی الله تعالی عنها حضرتلری دیدی که رسول اکرم صلی الله علیه وسلم افندمک ولادت ظهوره کلوبده والده سنک وجودندن آیرلدیغی زمان خانه سعادت نور ایله طولمش کوردم و نجومی دخی اول قدر تقرب ایتمش کوردم که حتی همان همان اوزره دوشه چکر صاندم.

بیانه اعراب و لغات

[وتدلت] تقرب معناسنه اولان تدلی دن فعل ماضی و [نالت] اوزرینه معطوف اولغله [ویوم تدلت] تقدیرنده در. [زهر النجوم] فاعل زهره ازهرک جمعی اولدق نجومه اضافتی صفتک موصوفه اضافتی قیبلنددر. زهر: بغایت پارلاق دیمکدر. [الیه] ده ضمیر رسول اکرمه راجع [فأضاءت] جله سی [فبسبب هذا التدلی اضاءت] تقدیرنده در. [بضوئها] ده ضمیر نجومه راجعیدر. [الارضاء] فاعل ورجانک جمعی در. رجا: عصا و زننده ناحیه و جانب معناسنه در.